

第二九五册

明倫彙編

官常典

將帥部

(卷)
四二—五〇三

古今圖書集成

中華書局影印

卷之三

詩經

卷之三

詩經

卷之三

古今圖書集成

中華書局影印

欽定古今圖書集成明倫彙編官常典
第四百九十二卷目錄

將帥部名臣列傳五十

唐三

張儉

裴行儉

王方翼

李謹行

楊弘禮

薛仁貴

蘇定方

黑齒常之

唐休璟

王孝傑

李孝逸

程務挺

張仁恩

王駿

郭虔瓘

郭知運

郭英傑

張守珪

王忠嗣

官常典第四百九十二卷

將帥部名臣列傳五十

唐三

張儉

按唐書本傳儉字師約京兆新豐人隋相州刺史皖城郡公威孫父植車騎將軍連城縣公儉高祖從外孫也高祖起儉以功除右衛郎將遷朔州刺史時頡利可汗方彊每有求取所遣書輒稱詔敕邊吏奉承不敢卻及儉獨拒不受大教民營田歲收穀數十萬

斛雖霜早勸百姓相賑贍免飢殍州以完安李靖既平突厥有恩結部者窮歸於儉儉受而安輯之其在積北者親戚私相過省儉不禁示羈縻而已儉徙勝州後將不察其然遠奏思結叛朝廷議進討時儉以母喪奪服為使者撫納之儉單騎入其部召酋帥慰諭推腹心咸匍匐歸命因舉徙代州遂檢校代州都督儉勤墾田力耕歲數稔私蓄富實儉恐易驕乃建平糴法人之官鹵悅喜由是儲斛流羸遷營州都督兼護東夷校尉坐事免詔白衣領職營州部與契丹奚靺鞨諸蕃切吟高麗引衆入寇儉率兵破之俘斬略盡復拜營州都督太宗將征遼東遣儉率蕃兵先進略地至遼西川漲久未度帝以為畏懦召還見洛陽宮陳水草美惡山川險易并久不進狀帝悅拜行軍總管使領諸蕃騎為六軍前鋒時高麗候者言莫離支且至帝詔儉自新城路邀擊幽不敢出儉進度遼趨建安城破賊斬數千級累封皖城郡公後改東夷校尉官為都護府即以儉為都護未幾初加金紫光祿大夫卒年六十諡曰密

裴行儉

按唐書本傳行儉字守約絳州聞喜人父仁基隋光祿大夫自王世充所謀歸國被害贈原州都督諡曰忠行儉幼引蔭補弘文生貞觀中舉明經調左屯衛倉曹參軍時蘇定方為大將軍謂曰吾用兵世無可教者今子也賢乃盡界以術遷長安令高宗將立武昭儀行儉以為國家憂從此始與長孫無忌褚遂良祕議大理袁公瑜擅語昭儀母左除西州都督府長史麟德二年擢累安西都護西域諸國多慕義歸附

召為司文少卿遷吏部侍郎與李敬元馬載同典選有能名時號裴馬行儉始設長名榜銓注等法又定州縣升降資擬高下為故事上元三年吐蕃叛出為洮州道左二軍總管改秦州右軍並受周王節度儀鳳二年十姓可汗阿史那都支及李遮旬誘蕃落以動安西與吐蕃連和朝廷欲討之行儉議曰吐蕃叛漢方熾敬元失律蕃禮喪元安可更為西方生事今波斯王死其子泥涅師質京師有如遣使立之即路出二蕃若權以制事可不勞而功也帝因詔行儉冊送波斯王且為安撫大食使徑賀賀延碩風磧晝冥導者迷將士饑乏之行儉止營致祭令曰水果非遠衆少安俄而雲徹風恬行數百水草豐美後來者莫識其處衆皆驚以方漢貳師將軍至西州諸蕃郊迎行儉召豪傑千餘人自隨揚言大熱未可以進宜駐軍須秋都支覘知之不設備行儉徐召四鎮酋長偽約畋謂曰吾念此樂未始忘孰能從吾獵者於是子弟願從者萬人乃陰勒部伍數日倍道而進去都支帳十餘里先遣其所親問安否外若閑暇非計襲者又使人趣召都支都支本與遮旬計及秋拒使者已而聞軍至倉卒不知所出率子弟五百餘人詣營謁遂禽之是日傳契箭名諸部酋長悉來請命並執送碎葉城簡精騎約齋襲遮旬道獲遮旬使者釋之俾前往諭其主并言都支已禽狀遮旬乃降悉俘至京師將吏為刻石碎葉城以紀功帝遣勞宴日行儉提孤軍深入萬里兵不血刃而叛黨肅夷可謂文武兼備矣其兼授二職即拜禮部尚書兼檢校右衛大將軍調露元年突厥阿史德溫傳反單于管二十四州

叛應之衆數十萬都護蕭嗣業討賊不克死敗係踵詔行儉爲定襄道行軍大總管計之率太僕少卿李思文營州都督周道務部兵十八萬合西軍程務挺東軍李文陳等總三十餘萬旗幟互千里行儉威節制之先是嗣業饋糧數萬鈔軍餒死行儉曰以謀制敵可也因詐爲糧車三百乘車伏壯士五輩齋陌刀勁弩以羸兵挽進又伏精兵踵其後兩果掠車羸兵走險賊驅就水草解鞍牧馬方取糧車中而壯士突出伏兵至殺獲幾盡自是糧車無敢近者大軍次畢于比暮已立營壘壕既周行儉更命徒營高岡吏白士安堵不可擾不聽促徒之比夜風雨暴至前占營所水深丈餘衆莫不駭嘆問何以知之行儉曰自今第如我節制毋問我所以知也賊拒黑山數戰皆敗行儉縱兵前後殺擄不勝計僞可汗泥熟旬爲其下所殺持首來降又禽大首領奉職而還餘黨走狼山行儉既還阿史那伏念僞稱可汗復與溫傳合明年行儉還總諸軍頓代州之陘口縱反間說伏念令與溫傳相貳伏念懼密送款且請縛傳自效行儉祕不布密以聞後數日煙塵漲天而南斥埃惶駭行儉曰此伏念執溫傳來降非他也且受降如受敵乃勅嚴備遣單使往勞旣而果然於是突厥餘黨悉平帝悅遣戶部尚書崔知悌勞軍初行儉許伏念以不死侍中裴炎害其功建言伏念爲程務挺張度助脇逐又積北回紇逼之計窮而降卒斬伏念及溫傳於都市行儉之功不錄封開喜縣公行儉嘆曰渾濬之事古今恥之但恐殺降則後無復來矣遂稱疾不出未淳元年十姓突厥軍薄叛復爲金牙道大總管未行

卒年六十四贈幽州都督諡曰獻詔皇太子遣官護視家事子孫能自立乃停中宗卽位再贈揚州大都督行儉工草隸名家帝嘗以絹素詔寫文選覽之祕愛其法寶物良厚行儉每日褚遂良非精筆佳墨未嘗輒書不擇筆墨而妍捷者余與虞世南耳所誤選譜草字雜體數萬言又爲營陣部伍料勝負別器能等四十六訣武后詔武承嗣就第取去不復傳行儉通陰陽曆術每戰豫道勝日善知人在吏部時見蘇味道王勣謂曰二君後皆掌銓衡李敬元盛稱王勃楊炯盧照鄰路賁王之才引示行儉行儉曰士之致遠先器識後文藝如勃等雖有才而浮躁術露豈享爵祿者哉炯頗沈嘿可至令長餘皆不得其死所引偏裨若程務挺張度勣崔智晉王方翼賞金毗劉敬同郭待封李多祚黑齒常之類爲世名將僚奏至刺史將軍者數十人嘗賜馬及珍鞍令史私馳馬馬蹶鞍壞懼而逃行儉招還之不加罪初平都支遮旬復瓊寶不贊善會將士願觀行儉因宴偏出示坐者有瑪瑙盤廣二尺文彩粲然軍吏趨跌盤碎惶怖叩頭流血行儉笑曰爾非故也何至是色不少吝帝賜都支資產皿金三千餘物橐駝馬牛犍是行儉分給親故泊麾下數日輒盡于光廷

王方翼

按唐書本傳方翼字仲翔并州祁人祖裕隋州刺史尚同安大長公主官開府儀同三司卒諡曰文方翼早孤哀毀如成人時號孝童母李爲主所斥居鳳泉墅方翼尚幼雜庸保執苦不棄日墾田植樹治林塋塋完牆屋煥松丸墨爲富家主薨還京師嘗夜行見

長人丈餘引弓射仆之乃朽木也太宗聞擢右千牛高宗立而從祖女弟爲皇后調安定令誅滅大姓姦豪角息徙瀚海都護司馬坐事下遷朔州尚德府果毅歲餘代還居母喪哀瘠甚帝遣侍醫療視其友趙持滿誅死尸諸道親戚莫敢視方翼曰藥布哭彭越義也周文王掩骼仁也絕友義蔽主仁何以事君遂往哭其尸具禮收葬金吾劾帝帝嘉之不罪再遷肅州刺史州無隍壘寇易以攻方翼乃發卒建樓堞多築木自環烽邏精明儀鳳間河西蝗獨不至方翼境而它郡民或餓死皆重繭走方翼治下乃出私錢作水碓簿其贏以濟飢療構舍數十百楹居之全活甚衆芝產其地裴行儉討遮旬奏爲副兼檢校安西都護徙故都護杜懷寶爲庭州刺史方翼築碎葉城面三門紆還多趣以詭出入五旬畢西域胡縱觀莫測其方略悉獻珍貨未幾徙方翼庭州刺史而懷寶自金山都護更鎮安西遂失蕃戎之和未淳初十姓阿史那車簿噉叛圍弓月城方翼引軍戰伊麗河敗之斬首千級俄而三姓咽麴兵十萬踵至方翼次熱海進戰矢著臂引佩刀斷去左右莫知所部雖圖謀執方翼爲內應方翼悉召會軍中厚賜以次出壁外縛之會大風雜金鼓而號譟無聞者殺七千人即遣騎分道襲咽麴等皆驚潰烏鶻引兵遁去酋領突騎施等三百人西戎震服初方翼次葛水暴漲師不可度沈祭以禱師涉而濟又七月次葉河無舟而水一昔合時以爲祥西域平以功遷夏州都督屬牛疫民廢田作方翼爲耦耕法張機健力省而見功多百姓順賴明年召方翼議西域事引見奉天宮賜食帝

前帝見衣有汗濯處問其故具對熱海苦戰狀視其創帝咨嗟久之賜賚良厚俄而妖賊白鐵余以綏州反詔方翼與程務挺討之飛槍擊賊火其柵平之封太原郡公阿史那元珍入寇被詔進擊時庫無完鎧方翼斷六板書虎文鉤聯解合賊馬忽見奔駭遂敗獲大將二因降桑乾舍利二部武后時王后屬無在者方翼自視功多冀不坐而后內欲因罪除之未得也及務挺被殺即并坐方翼追入朝捕送獄流崖州卒於道年六十三神龍初復官爵方翼善書與魏叔琬齊名

李謹行

按唐書本傳謹行棘鞞人父突地稽部酋長也隋末率其屬千餘內附居營州授金紫光祿大夫遼西太守武德初奉朝貢以其部為燕州授總管劉黑闥叛突地稽身到定州上書秦王請節度以戰功封者國公徙部居昌平高開道以突厥兵攻幽州突地稽邀擊敗之貞觀初進右衛將軍賜氏李卒謹行偉容貌勇蓋軍中累遷營州都督家童至數千以貴自雄夷人畏之為磧石道經略大使論欽陵衆十萬寇遼中候選不知士樵采半散謹行聞幽至即植旗伐鼓開門以伺欽陵疑有伏不敢進上元三年破吐蕃於青海軍書勞勉封燕國公卒贈幽州都督陪葬乾陵

楊弘禮

按唐書本傳弘禮字履莊隋尚書令素弟之子雅與元感不協咸表其必亂元感誅父岳繫長安獄煬帝使赦之比至岳已死高祖即位以素有功於隋詔弘禮襲清河郡公除太子通事舍人貞觀中累遷中書

舍人太宗征遼東拜兵部侍郎駐蹕之役領步騎二十四軍跳出賊背所向摧靡帝自山下望其衆袍仗精整人人盡力壯之謂許敬宗曰越公兒郎故有家風時宰相悉留定州輔皇太子唯褚遂良敬宗弘禮掌行在機務還拜中書侍郎遷司農卿為崑丘道副大總管破處密殺焉耆王降馭支部復龜茲于闐王凱旋會帝崩大臣疾之下遷涇州刺史宋徽初追論其功遷勝州都督改大府卿卒贈蘭州都督諡曰質

薛仁貴

按唐書本傳仁貴絳州龍門人少貧賤以田為業將改葬其先妻柳氏曰夫有高世之材要須遇時乃發今天子自征遼東求猛將此難得之時君盍圖功名以自顯富貴還鄉葬未晚仁貴乃往見將軍張士貴應募至安地會即將劉君弼為賊所圍仁貴馳救之斬賊將係首馬鞍賊皆懾伏由是知名王師攻安市城高麗莫離支遣將高延壽等率兵二十萬拒戰倚山結屯太宗命諸將分擊之仁貴恃驍悍欲立奇功乃著白衣自標顯持戟腰雙兩弓呼而馳所向披靡軍乘之賊遂奔潰帝望見遣使馳問先鋒白衣者誰曰薛仁貴帝召見嗟異賜金帛口馬甚衆授遊擊將軍雲泉府果毅令北門長上師還帝謂曰朕舊將皆老欲擢驍勇付關外事莫如卿者朕不喜得遼東喜得虓將還右領軍中郎將高宗幸萬年宮山水暴至夜突元武門宿衛皆散走仁貴曰當天子緩急安可懼死遂登門大呼以警宮內帝遽出乘高俄而水入帝寢帝曰賴卿以免始知有忠臣也賜以御馬蘇定方賀魯仁貴上疏曰臣聞兵出無名事故不成明

其為賊敵乃可服今泥熟不事賀魯為其所破爾係妻子王師有於賀魯部落轉得其家口者宜悉取以還厚加賞遣使百姓知賀魯為暴而陛下至德也帝納之遂還其家屬泥熟請隨軍効死顯慶三年詔副程名振經略遼東破高麗於貴端城斬首二千級明年與梁建方契苾何力遇高麗大將溫沙多門戰橫山仁貴獨馳入所射皆應弦仆又戰石城有善射者殺官軍十餘人仁貴怒單騎突擊賊弓矢俱廢遂生擒之俄與辛文陵破契丹於黑山執其王阿卜固獻東都拜左武衛將軍封河東縣男詔副鄭仁泰為鐵勒道行軍總管將行宴內殿帝曰古善射有穿七札者卿試以五甲射焉仁貴一發洞貫帝大驚更取堅甲賜之時九姓衆十餘萬令驍騎數十來挑戰仁貴發三矢輒殺三人於是酋氣懾皆降仁貴慮為後患悉坑之轉討磧北餘衆禽偽葉護兄弟三人以歸軍中歌曰將軍三箭定天山壯士長歌入漢關九姓遂衰鐵勒有思結多覽葛等部先保天山及仁泰至懼而降仁泰不納擄其家以賞軍賊相率遁去有候騎言鹵輜重畜牧被野可往取仁泰選騎萬四千卷甲馳絕大漠至仙萼河不見鹵糧盡還人飢相食比入塞餘兵纔二十之一仁貴亦取所部為妾多納賕遺為有司劾奏以功見原乾封初高麗泉男生內附遣將軍龐同善高侃往慰納弟男建率國人拒弗納乃詔仁貴率師援送同善至新城夜為鹵襲仁貴擊之斬數百級同善進次金山鰥鹵不敢前高麗乘勝進仁貴擊鹵斷為二衆即潰斬敵五千拔南蘇木底蒼巖三城遂會男生軍手詔勞勉仁貴負銳提卒二千

進攻扶餘城諸將以兵寡勸止仁貴曰在善用不在衆身帥士遇賊輒破殺萬餘人拔其城因旁海略地與李勣軍合扶餘既降亡四十城相率送款威震遼海有詔仁貴率兵二萬與劉仁軌鎮平壤拜本衛大將軍封平陽郡公檢校安東都護移治新城撫孤存老檢制盜賊隨材任職褒崇節義高麗士衆皆欣然忘亡咸亨元年吐蕃入寇命爲邏娑道行軍大總管率將軍阿史那道真郭待封擊之以援吐谷渾待封嘗爲鄯城鎮守與仁貴等夷及是恥居其下頗違節度初軍次大非川將趨烏海仁貴曰烏海地險而瘴吾入死地可謂危道然速則有功遲則敗今大非嶺寬平可置二柵悉內輜重留萬人守之吾倍道掩賊不整滅之矣乃約齋至河口遇賊破之多所殺掠獲牛羊萬計進至烏海城以待後援待封初不從領輜重踵進吐蕃率衆二十萬邀擊取之糧仗盡沒待封保險仁貴退軍大非川吐蕃益兵四十萬來戰王師大敗仁貴與吐蕃將論欽陵約和乃得還吐谷渾遂歿仁貴歿曰今歲在庚午星在降婁不應有事西方

鄧艾所以死於蜀吾固知必敗有詔原死除名爲庶人未幾高麗餘衆叛起爲鷄林道總管復坐事貶象州會赦還帝思其功乃召見曰疇歲萬年宮微卿我且爲魚前日殄九姓破高麗爾功居多人有言向在烏海城下縱國不擊以至失利此朕所恨而疑也今遼西不寧瓜州路絕卿安得高枕不爲朕指麾邪於是拜瓜州長史右領軍衛將軍檢校代州都督率兵擊突厥元珍於雲州突厥問曰唐將爲誰曰薛仁貴突厥曰吾聞薛將軍流象州死矣安得復生仁貴脫

兜鍪見之突厥相視失色下馬羅拜稍稍遁去仁貴因進擊大破之斬首萬級復生口二萬牛馬稱是永淳二年卒年七十贈左驍衛大將軍幽州都督官給舉護喪還鄉里

蘇定方

按唐書本傳蘇烈字定方以字行冀州武邑人後徙始平父邑當隋季率里中數千人爲本郡討賊定方驍悍有氣決年十五從父戰數先登陷陣邑卒代領其衆破劇賊張金稱楊公卿追北數十里自是賊不余境鄉黨賴之貞觀初爲匡道府折衝從李靖襲突厥頡利於磧口率數馬一百爲前鋒乘霧行去賊一里許霧霽見牙帳馳殺數十百人頡利及隋公主惶窘各遁去靖亦尋至餘黨悉降再遷左衛中郎將與程名振討高麗破之拜右屯衛將軍臨清縣公從蔥山道大總管程知節征賀魯至鷹娑川賀魯率二萬騎來拒總管蘇海政連戰夫決鼠尼施等復引二萬騎爲援定方始休士見塵起率精騎五百踰嶺擣賊營賊衆大潰殺千餘人所棄鎧仗牛馬藉藉山野不可計副總管王文度疾其功謬謂知節曰賊雖走軍死傷者衆今當結輜重陣間被甲而趨賊來即戰是謂萬全又矯制收軍不深入於是馬羶卒勞無鬪志定方說知節曰天子詔討賊今反自守何功之立哉且公爲大將而閫外之事不得專顧副將乃得專之理不其然胡不囚王文度待天子命不從至恒駕城有胡人降文度恨曰師還而降且爲賊不如殺之取其貨定方曰此乃自作賊耳寧曰伐叛及分財定方一不取太宗知之比知節等還悉下吏當死貸爲民

擢定方伊麗道行軍大總管復征賀魯以任雅相同紇婆闡爲副出金山北先擊處木昆部破之俟斤蠟獨祿擁衆萬帳降定方撫之發其千騎并同紇萬人進至曳咥河賀魯率十姓兵十萬拒戰輕定方兵少舒左右翼包之定方令步卒據高攢稍外向親引勁騎陣北原賊三突步陣不能入定方因其亂擊之塵戰三十里斬首數萬級賊大奔明日振兵復進五弩矢畢衆降賀魯獨與處木昆屈律啜數百騎西走定方令副將蕭嗣業同紇婆闡率離鹵兵趙邦羅斯川追北定方與雅相領新附兵絕其後會大雪吏請少休定方曰國恃雪方止舍謂我不能進若縱使遠遁則其能禽遂勒兵進至雙河與彌射步眞合距賀魯所百里下令陣而行薄金牙山方賀魯將敗定方縱擊破其牙下數萬人悉歸所部賀魯走石國彌射子元爽以兵與嗣業會縛賀魯以還由是修亭障列蹊陰定疆畛問疾收舊唐之州縣極西海矣高宗臨軒定方戎服奉賀魯以獻策功拜左驍衛大將軍邢國公別封子慶節爲武邑縣公會思結闕俟斤都曼先鎮諸胡劫所部及疏勒朱俱波喝槃陀三國復叛詔定方還爲安撫大使率兵至葉葉水而賊堞馬頭川定方選精卒萬騎三千襲之晝夜馳三百里至其所都曼驚戰無素遂大敗走馬保城師進攻之都曼計窮遂面縛降俘獻於乾陽殿有司請論如法定方頓首請曰臣向論陛下意許以不死願丐其命帝曰朕爲卿全信乃宥之慈嶺以西遂定加食邢州鉅鹿三百戶遷左武衛大將軍出爲神丘道大總管率師討百濟自城山濟海至熊津口賊瀨江屯兵定方出

左涯乘山而陣與之戰賊敗死者數千王師乘潮而上舳艫銜尾進鼓而譟定方將步騎夾引直趨真都城賊傾國來酣戰破之殺虜萬人乘勝入其郭王義慈及太子隆北走定方進圍其城義慈子泰自立爲王率衆固守義慈之孫文思曰王與太子出而叔豈得擅爲王若王師還我父子安得全遂率左右縋城下人多從之泰不能止定方使士登城建唐旗幟於是泰開門請命其將福植與義慈降降及諸城送款百濟平倭義慈隆泰等獻東都定方所滅三國皆生執其王賞賚珍寶不勝計加慶節尚羣奉御未幾定方爲遼東道行軍大總管俄徙平壤道破高麗之衆於浪江奪馬邑山爲營遂圍平壤會大雪解圍還拜涼州安集大使以定吐蕃吐谷渾乾封二年卒年七十六帝悼之責謂侍臣曰定方於國有功當褒贈若等不言何耶乃贈左驍衛大將軍幽州都督諡曰莊

黑齒常之

按唐書本傳常之百濟西部人長七尺餘驍毅有謀略爲百濟達率兼風達郡將猶唐刺史云蘇定方平百濟常之以所部降而定方囚老王縱兵大掠常之懼與左右酋長十餘人遁去噤合通亡依存山自固不旬日歸者三萬定方勒兵攻之不克常之遂復二百餘城龍朔中高宗遣使招諭乃詣劉仁軌降累遷左領軍員外將軍洋州刺史儀鳳三年從李敬元劉審禮擊吐蕃審禮敗敬元欲引還阻泥溝兵不得出賊屯高壓官軍常之夜率敢死士五百人掩其營殺掠數百人賊會跋地設棄軍走帝歎其才擢左武衛將軍檢校左羽林軍賜金帛殊等進爲河源軍副

使調露中吐蕃使贊婆等入寇屯良非川李敬元之敗常之引精騎三千夜襲其軍斬首二千級獲羊馬數萬贊婆等單騎去即拜河源道經略大使因建言河源當賊衝宜增兵鎮守而運饌須廣乃斥地置烽七十所墾田五千頃歲收粟斛百餘萬由是食衍士精成邏有備未獲二年贊婆營青海常之馳掩其屯破之悉燒糧廩屠羊馬甲首不貲詔書勞賜凡洩軍七年吐蕃憚畏不敢盜邊封燕國公垂拱中突厥復犯塞常之率兵追擊至兩井忽與賊遇賊騎三千方

擐甲常之見其羣以二百騎突之賊皆棄甲去其暮賊大至常之潛使人伐木列炬營中若烽燧然會風起賊疑救至遂夜遁久之爲燕然道大總管與李多祚王元言等擊突厥骨咄祿元珍於黃花堆破之追奔四十里賊潰歸磧北會左監門衛中郎將樊寶璧欲窮追要功詔與常之共計寶璧獨進爲函所覆舉軍沒寶璧下吏誅常之坐無功會周典等誣其與右鷹揚將軍趙懷節反捕繫詔獄殺懷節常之御下有恩所乘馬爲士所箠或請罪之答曰何遽以私馬鞭官兵乎前後賞賜分麾下無留費及死人皆哀其枉

唐休璟

按唐書本傳璿字休璟以字行京兆始平人曾祖規爲後周驃騎大將軍休璟少孤授易於馬嘉運傳禮於賈公彥舉明經高第爲吳王府典籤改營州戶曹參軍會突厥誘奚契丹叛都督周道務以兵授休璟破之於獨護山數賊多遷朔州長史宋淳中突厥圍豐州都督崔智辯戰死朝廷議棄豐保靈夏休璟以爲不可上疏曰豐州控河過寇號爲襟帶自秦漢以

來常郡縣之土田良美宜耕牧隋季喪亂不能堅守乃遷就寧慶戎羯得以乘利而交侵始以靈夏爲邊唐初募人以實之西北一隅得以完固今而廢之則河傍地復爲賊有而靈夏亦不足自安非國家利也高宗從其言垂拱中遷安西副都護會吐蕃破焉耆安息道大總管韋待價等敗休璟收其潰亡以定西土授靈州都督乃陳方略請復四鎮武后遣王孝傑拔龜茲等城自休璟倡之聖曆中授涼州都督右肅政御史大夫持節隴右諸軍副大使吐蕃大將趨莽布支率騎數萬寇涼州入洪源谷休璟以兵數千臨高望之見賊旗幟鮮明謂麾下曰吐蕃自欽陵死贊婆降莽布支新將兵欲以示威且其下皆貴臣酋豪子弟騎雖精不習戰吾爲諸君取之乃被甲先登六戰皆克斬二將獲首二千五百築京觀而還吐蕃來請和既宴使者屢覘休璟后問焉對曰洪源之戰是將軍多殺臣士卒其勇無比今願識之而嘆異擢爲右武威金吾二衛大將軍西突厥烏質勒失諸蕃和舉兵相攻安西道閉武后詔休璟與宰相計議不少選畫所當施行者既而邊州建請屯置盡如休璟策后曰恨用卿晚進拜夏官尚書同鳳閣鸞臺三品后諒楊再思李嶠姚元崇等曰休璟練知邊事卿輩十不當一改太子右庶子仍知政事會契丹入塞復以夏官尚書檢校幽營等州都督安東都護時中宗爲皇太子休璟將行進啓曰易之兄弟恩寵過幸數入禁闥非人臣所宜願加防察帝復位名授輔國大將軍同中書門下三品酒泉郡公謂曰初欲召公計事以有契丹憂前日直言今未忘也加特進尚書右僕

射賜邑戶三百封宋國公是歲大水上疏自劾免不許累遷檢校吏部尚書景龍二年致仕未幾復起為太子少師同中書門下三品監修國史景雲初以特進為朔方行軍大總管備突厥停舊封別賜百戶明年復請老給一品全祿延和元年卒年八十六贈荊州大都督諡曰忠休璟以儒者號知兵自碣石踰四鎮其間縣地幾萬里山川夷坦障塞之要皆能言之故行師料敵未嘗敗初得封以賦絹數千散賜其族又出財數十萬大為塋墓盡葬其五服親當時稱重惟張仁恩議築受降城而休璟獨謂不可卒就之而漠南無慮始老已踰八十猶託倚權近求復用於是賀婁尚官方用事附者輒榮赫休璟乃為子娶其義女故復起宰相頗為時譏嘗其當國亦無它毗益云子先慎至陳州刺史先擇為右金吾衛將軍

王孝傑

按唐書本傳孝傑京兆新豐人少以軍功進儀鳳中劉審禮討吐蕃孝傑以副總管戰大非川為南執贊普見之曰貌類吾父故不死歸之武后時為右鷹揚衛將軍孝傑居國中久悉其虛實長壽元年為武威道總管與阿史那忠節討吐蕃克龜茲于闐疏勒碎葉等城武后曰貞觀中西境在四鎮其後不善守棄之吐蕃今故土盡復孝傑功也乃遷左衛大將軍進夏官尚書同鳳閣鸞臺三品清源縣男證聖初復為朔方道總管與吐蕃戰不利免會契丹李盡忠等叛有詔起白衣為清邊道總管將兵十八萬討之軍至東硤石谷與賊接道隘函衆孝傑率銳兵先驅出谷整陣與賊戰而後軍總管蘇宏暉以其軍退援不至

為函所乘軍潰孝傑墮谷死土相蹂且盡初進軍平州白鼠晝入營頓伏皆謂鼠坎精胡象也白質歸命天亡之兆及戰乃孝傑覆焉時張說以管記還白狀后問之說具陳孝傑乃心國家敢深入以少當衆雖敗功可錄也乃贈夏官尚書耿國公以其子無擇為朝散大夫遣使者斬宏暉使未至而宏暉已立功遂贖罪

李孝逸

按唐書淮安靖王神通傳神通子孝逸少好學頗屬文始封梁郡公高宗時四遷益州大都督府長史武后擅國入為左衛將軍親遇之徐敬業稱兵以孝逸為左玉鈐衛大將軍揚州行軍大總管帥師南討至淮而敬業已攻潤州遣弟敬猷壁淮陰偽將韋超據都梁山以拒孝逸超衆憑險完屯孝逸會諸將議曰賊今負山攻則士無所用力騎不得騁寇敢死傷夷必衆不如偏旅綴之全軍趨揚州勢不數日可破支度使薛克構曰超雖據險然兵少若置小敵不擊無以示威拔衆以守則戰有闕捨之則後憂不如擊之若克超淮陰自震淮陰陰破楚諸縣開門候官軍矣由是以趨江都逆首可取孝逸從之登山急擊超殺數百人薄賊解超夜走進擊敬猷淮陰破之敬業回軍下阿溪孝逸引兵直度敬業大敗遂拔揚州以功進鎮軍大將軍徙封吳國公威名稜然武承嗣等忌之以譏下遷施州刺史又使人騰惡語聞上武后信之以嘗有功貸死流儋州薨景雲初贈金州大都督程務挺

按唐書本傳程務挺涪州平恩人父名振隋大業末仕

竇建德為普樂令盜不跡境俄棄賊自歸高祖詔授末寧令使率兵經略河北即夜襲鄴縣俘男女千餘人以歸去數舍閱婦人方乳者九十餘人還之鄴人感其仁劉黑闥陷涪州名振與刺史陳君實自拔歸母妻為賊所得名振率衆千餘掠冀貝滄瀛等州邀擊糧道悉毀賊木陸餉具黑闥怒殺其母妻賊平請手斬黑闥以其首祭母拜營州長史封東平郡公賜物二千段黃金三百兩轉涪州刺史太祖征遼東名問方略不合旨帝勃然詰之名振辯對益詳帝意解謂左右曰房元齡常在朕前見朕噴餘人色不能主名振生平未識我一旦謂讓而辭吐不屈奇士哉拜右驍衛將軍平壤道行軍總管攻沙卑城破獨山陣皆以少擊衆號為名將遷營州都督兼東夷都護擊高麗於貴端水焚其新城歷晉蒲二州刺史鑣方道總管卒贈右衛大將軍諡曰烈務挺少從父征討以勇力聞拜右領軍衛中郎將破突厥六萬騎於雲州會偽可汗阿史那伏念叛總管李文暉等三將以次奔敗詔裴行儉討之以務挺副檢校豐州都督時伏念屯金牙山務挺與副總管唐元表引兵赴之伏念懼乃間道降於行儉故裴炎以為非行儉功遷務挺右武衛將軍封平原郡公綏州部落稽白鐵余據城平叛建偽號署置百官進攻綏息大斌殺官吏火區舍詔務挺與夏州都督王方翼討之務挺生禽白鐵余進左驍衛大將軍檢校左羽林軍副聖初與右領軍大將軍張虔勳等豫廢中宗立諱王為皇帝累被褒賚以左武衛大將軍為單于道安撫大使禦突厥務挺善綏禦士服其威愛突厥憚之不敢盜邊裴炎

下獄務挺密表申治又素與唐之奇杜求仁善或言務挺與炎及徐敬業潛相援結后遣左鷹揚將軍裴紹業即軍中斬之籍其家突厥聞務挺死率相慶為立祠每出師輒禱焉

張仁愿

按唐書本傳仁愿華州下邽人本名仁實以睿宗諱音近避之有文武材武后時累遷殿中侍御史御史郭弘霸者稱后乃彌勒佛身又鳳閣舍人張嘉福王慶之請以武承嗣為皇太子遂仁愿聯章仁愿正色拒之後王孝傑為吐刺軍總管與吐蕃戰不利仁愿監其軍因入言狀孝傑坐免擢仁愿侍御史萬歲通天中監察御史孫承景監清邊軍戰還自圖先鋒當矢石狀武后歎曰御史乃能如是乎擢為右肅政臺中丞詔仁愿即叙其麾下功臣愿先問承景破敵曲折承景實不行所問皆窮仁愿劾奏承景罔上虛列鹵級貶為崇仁令以仁愿代為中丞檢校幽州都督默啜寇趙定還出塞仁愿以兵邀之賊引去矢著其手武后遣使勞問賜藥注傳邊并州都督長史神龍中進左屯衛大將軍兼檢校洛州長史會殺貴多盜仁愿一切捕殺積府門畿甸震懾無敢犯先是賈敦頤嘗為長史有政績時人為之語曰洛有前賈後張敵京兆三王三年朔方軍總管沙吒忠義為突厥所敗詔仁愿攝御史大夫代之既至賊已去引兵踵擊夜掩其營破之始朔方軍與突厥以河為界北厓有拂雲祠突厥每犯邊必先謁祠禱解然後料兵度而南時默啜悉兵西擊突騎施仁愿請乘虛取漠南地於河北築三受降城絕幽南寇路唐休璟以為兩

漢以來皆北守河今築城兩腹中終為所有仁愿固請中宗從之表畱歲滿兵以助工咸陽兵二百人逃歸仁愿禽之盡斬城下軍中殷懾役者盡力六旬而三城就以拂雲為中城南直朔方西城南直靈武東城南直榆林三壘相拒各四百餘里其北皆大磧也斥地三百里而遠又於牛頭朝那山北置烽候千三百所自是突厥不敢踰山牧馬朔方益無寇歲損費億計減鎮兵數萬初建三城也不置塞門曲敵戰格或曰邊城無守備可乎仁愿曰兵貴攻取賤退守寇至當併力出拒敢回望城者斬何事守備退怯其心故後常元楷代為總管始築塞門議者益重仁愿而輕元楷景龍二年拜左衛大將軍同中書門下三品封韓國公春還朝秋復督軍備邊帝為賦詩祖道賁資不貲還鎮軍大將軍睿宗立乃致仕加兵部尚書庫祿全給開元二年卒贈太子少保仁愿為將號令嚴將吏信伏按邊撫師賞罰必直功罪後人思之為立祠受降城出師輒享焉宰相文武兼者當時稱李靖郭元振唐休璟仁愿云在朔方奏用御史張敬忠何驚長安尉寇武郭尉王易從始平主簿劉體微分總軍事太子文學柳彥昭為管記義烏尉尉良貞為隨機皆著稱後至大官世名仁愿知人

王琬

按唐書本傳琬滄州景城人後徙洛陽父行果為長安尉知名琬少孤好學祖有方奇之曰是子當與吾宗長豪曠不樂為衙檢事擢明經第始調清苑尉歷除殿中侍御史會朔方元帥魏元忠討賊不利劾奏副將韓思忠敗律當誅琬以思忠偏裨權不己制且

其人勇智可惜不宜獨誅固爭得釋琬亦出為渭南令景龍末授桂州都督州有兵舊常仰餉衛未暇始築羅郭罷戍卒球江開屯田數千頃以息轉漕百姓賴之後求歸上家州人詣闕留言有詔桂在羅寇巢戶口彫瘠宜即畱以須政成在桂踰年人丐刻石頌德初劉幽求放封州廣州都督周利貞欲必殺之道出琬所琬知其故畱不遭利貞移書督趣幽求懼曰執且難全正恐累君奈何琬曰公之坐非朋友所絕琬在終不忍公無罪就死俄崔湜等誅幽求復執政故詔幽求為刻石辭還鴻臚少卿充朔方軍副大總管安北大都護豐安定遠等城並授節度進大僕少卿隴右羣牧使開元二年吐蕃以精甲十萬寇臨洮次大來谷其酋舍達延以兵踵而前琬率所部二千與臨洮軍合料奇兵七百易胡服夜襲去賊五里令曰前遇寇士大呼鼓勇應之賊驚疑伏在旁自相鬪死者萬計俄而薛訥至武階距大來二十里賊陣兩軍間互一舍而近琬往迎訥夜使壯士銜枚塵突衝駭引去追至洮水敗之俘獲如積以功加銀青光祿大夫清源縣男兼原州都督以子班為朝散大夫又進并州都督長史明年突厥默啜為拔曳固所殺其下多降分置河曲既而小殺繼降者稍稍叛去琬上言突厥向以國亂故款塞與部落無間也延傑北風何嘗忘之今徙處河曲使內河邊僻久必為患比者不受要約兵已屢動擅作烽區開障行李鹵脫南牧降帳必與連衡以相應接表裏有敵雖韓彭孫吳無所就功請至農隙令朔方軍大陳兵召酋豪告以禍福昭以金綸且言南方康鹿魚米之饒並遷置淮

右河南寬鄉給之程糧雖一時之勞然不二十年漸服諸華料以充兵則皆勤卒議者若謂降狄不可以南處則高麗舊俘置沙漠之西城傍編夷居青徐之右何獨降胡不可徒歟臣復料議者必曰故事置於河曲前日已寧今獨無異且往者謂利破亡邊鄙安定故降戶得以久安今國未殄滅此降人皆戚屬固不與往年同已臣請以三策料之悉其部落置內地獲精兵之實閉黠鹵之患此上策也亭障之下蕃華參處廣屯戍爲備擬費甚人勞下策也置之胡塞滋成禍萌此無策也不然而前至河冰且必有變書未報而鹵已叛乃勅賁將并州兵濟河以討賁聞行卷甲捨幕趨山谷夜遇雪恐失期誓於神明曰賁事君不以忠不討有罪天所殛者當自蒙罰士衆無罪心誠忠而天監之則止雪反風以獎成功俄而和霽時叛胡分二道走賁自東道追及之獲級三千以功遷左散騎常侍朔方行軍大總管改御史大夫跌跌部及僕固都督勾磨等散保受降城之鄙潛引突厥內擾賁密言上盡誘而誅之拜兵部尚書復爲朔方軍大總管九年蘭池胡康待賓據長泉反陷六州詔郭知運與賁討平之封清源公官一子元宗以官人賜知運等賁獨不敢取曰臣之事君猶子事父詎有常近聞掖而臣子敢當乎誓死以見免聽初賁奏朔方兵力有餘願罷知運獨當戍未報而知運至故不協賁所降附知運輒縱擊賊意賁賣已乃復叛賁坐貶梓州刺史改太子詹事中山郡公進吏部尚書太原尹代張說爲兵部尚書同中書門下三品充朔方軍節度大使河北河西隴右河東之軍盡屬是冬帝親郊

追會大禮賁以冰壯請雷將兵待邊手勅慰勉會有入告許州刺史王喬謀反辭逮賁詔源乾耀張說雜訊無狀以黨與貶朔州刺史遷定州復以戶部尚書爲朔方軍節度使卒贈尚書左丞相諡曰忠烈賁氣貌偉特時謂爲熊虎相感崇節義有古人風其操下肅壹吏人畏愛始二張之誣魏元忠賁獨上疏申治宋璟曰魏公全矣子再觸逆鱗殆乎賁曰魏公以忠獲罪苟得辯雖死弗悔賁卒後信安王禕討奚於幽州告捷且言戰時士咸見賁與部將高昭麾兵赴敵天子嗟異戶部郎中陽伯成上疏請封賁墓表異之優其子孫帝乃遣使祭賁廟進諸子官

郭虔瓘

按唐書本傳虔瓘齊州歷城人開元初錄軍閥遷累右驍衛將軍兼北廷都護金山道副大總管明年突厥默啜子同俄特勒圍北廷虔瓘飭墨自守同俄單騎馳城下勇士狙道左突斬之酋長相率丐降請悉軍中所資贖同俄死聞已斬舉軍慟哭去虔瓘以功授冠軍大將軍安西副大都護封潞國公建募關中兵萬人擊餘寇遂前功有詔募士給公乘在所續食將作大匠韋湊上言漢徙豪族以實關中今畿輔戶口通耗異時戎酋入盜丁壯悉行不宜更募驍勇以空京甸查荒服萬人所過遞熟熱饗互六千里州縣安所供億秦隴以西多沙磧少居人若何而濟縱有克獲其補幾何儻稽天誅則該大事不省既而虔瓘果不見齒還遷涼州刺史河西節度大使進右威衛大將軍四年奏家奴八人有戰功求爲遊擊將軍宰相劾其恃功亂綱紀不可聽罷之陝王爲安西

都護詔虔瓘爲副虔瓘與安撫招慰十姓可汗使阿史那獻數持異交訴諸朝元宗遣左衛中郎將王惠齋詔書諭解曰朕聞師克在和不在衆以虔瓘獻宿將當捨嫌室隙戮力國家自開西鎮列諸軍戍有定區軍有常額卿等所統蕃漢雜之在乎善用何必加募或云突騎施圍石城獻所致也葛邏祿稱兵虔瓘所沮也大將不協小人以逞何功可圖昔相如能誦廉頗寇恂不吝賈復宜各殲然終承朕命今賜帛二千段及什珍器俾諒朕意虔瓘奉詔久之卒軍中以張孝嵩爲安西副都護孝嵩倜儻姿貌及進士第而慷慨好兵在安西勸田訓士府庫盈饒徙太原尹卒以黃門侍郎杜暹代

郭知運

按唐書本傳知運字逢時瓜州晉昌人長七尺援臂虎口以格鬪功累補秦州三度府果毅從郭虔瓘破突厥有功加右驍衛將軍封介休縣公吐蕃將金達延乞力徐寇渭源盜牧馬詔知運與薛訥王賁等相犄角敗之進階冠軍大將軍兼臨洮軍使封太原郡公賜寶萬計徙隴右諸軍節度大使鄯州都督突厥降戶阿悉爛跌跌思泰率衆叛執單于都護張知運詔以朔方兵追擊至黑山呼延谷敗之幽棄仗走取副都護還詔知運兼隴右經略使營柳城開元五年大破吐蕃獻俘京師明年復出將輕兵丙夜至九曲獲精甲名馬犛牛甚衆既獻獲詔分賜文武五品以上清官及朝集使三品者進兼鴻臚卿御史中丞六州胡康待賓反率王賁討平之拜左武衛大將軍授一子官賜金帛九年卒於軍年五十五贈涼州都

督知運屯西方戎夷畏憚與王君集功名略等時號王郭帝詔中書令張說紀其功於墓碑上元中配饗太公廟未泰初諡曰威

郭英傑

按唐書郭知運傳知運子英傑字孟武爲左衛將軍幽州副總管開元二十三年長史薛楚玉遣英傑與裨將吳克勤烏知義羅守忠帥萬騎及奚衆討契丹屯榆關契丹酋長可突于拒戰都山下奚衆貳官軍不利知義守忠引麾下遁去英傑克勤力戰死其下尚六千人殊死戰圖示以英傑首終不屈師遂殲

張守珪

按唐書本傳守珪陝州河北人姿幹瓌壯慷慨尚節義善騎射以平樂府別駕從郭虔瓘守北庭突厥侵輪臺遣守珪往援中道逢賊苦戰斬首千餘級禽頡斤一人開元初突厥復攻北庭守珪從僞道奏事京師因上書言利害請出兵出蒲昌輪臺夾擊賊再還幽州良杜府果毅時盧齊卿爲刺史器之引與共榻坐謂曰不十年子當節度是州爲國重將願以子孫託可僚屬相期邪稍遷建康軍使王君奭死河西震懼詔以守珪爲瓜州刺史墨離軍使督餘衆完放城版築方立突厥奄至衆失色守珪曰創痍之餘詎可矢石相礪須權以勝之遂置酒城上會諸將作樂突厥疑有備不敢攻引去守珪縱兵擊敗之於是修復位署招流冗使復業有詔以瓜州爲都督府即詔守珪爲都督州地沙磧不可蔬常蓄雪水溉田是時渠塢爲突厥毀材木無所出守珪密禱於神一昔水暴至大木數千章塞流下因取之修復堰防耕者如舊

州人神之刻石紀事遷鄆州刺史隴右節度使徙幽州長史河北節度副大使俄加採訪處置等使契丹奚連年梗邊牙官可突于胡有謀者前長史趙含章薛楚玉等不能制守珪至每戰輒勝幽遂大敗帝喜詔有司告九廟契丹酋屈利及突于恐懼乃遣使許降守珪得其情遣右衛騎曹王悔詣部計事屈利無降意徒帳稍西北密引突厥衆將殺悔以叛契丹別帥李過折與突于爭權不叶悔因問誘之夜斬屈利及突于盡滅其黨以衆降守珪次紫蒙州大閱軍實賞將士傳屈利突于首於東都二十三年入見天子會籍田畢即醺燕爲守珪飲至帝賦詩寵之加拜輔國大將軍右羽林大將軍賜金綵授二子官詔立碑紀功久之復討契丹餘黨於捺祿山酋獲不普會裨將趙堪白眞陀羅等強使平盧軍使烏知義度渥水邀叛奚且蹂其稼知義辭不往眞陀羅矯詔脅之知義與幽關不勝還守珪匿其敗但上克復狀事頗泄帝遣謁者牛仙童按實守珪逼眞陀羅自殺厚賂使者還奏如狀後仙童以賊敗事逮守珪以功貶括州刺史疽發背死

王忠嗣

按唐書本傳忠嗣華州鄭人父海賓太子右衛率豐安軍使開元二年吐蕃寇隴右詔隴右防禦使薛訥率杜賓客郭知運王駿安思順禦之以海賓爲先鋒戰武階追北至壕口殺其衆進戰長城堡諸將娼其功按兵願望海賓戰死大軍乘之斬賊萬七千級獲馬七萬牛羊四十萬元宗憐其忠贈左金吾大將軍忠嗣時年九歲始名訓授尚書奉御入見帝伏地號

泣帝撫之曰此去病孤也須壯而將之更賜今名養禁中肅宗爲忠王帝使與游及長雄毅寡言有武略上與論兵應對鏘鏘起帝器之曰後日爾爲長將試守代州別駕大猷開門自斂不敢干法數以輕騎出塞忠王言於帝曰忠嗣敢關恐亡之由是召還信安王禕在河東蕭嵩出河西數引爲麾下帝以其年少有復讎志詔不得特將嵩入朝忠嗣曰從公三年無以歸報天子乃請精銳數百襲幽會贊普大會閱武鬱標川其下欲還忠嗣不從提刀略陣斬數千人獲羊馬萬計嵩上其功帝大悅累遷左威衛將軍代北都督封清源縣男與皇甫惟明輕重不得構忠嗣罪貶東陽府左果毅河西節度使杜希望欲取吐蕃新羅城有言忠嗣才者希望以聞詔追赴河西進拔其城忠嗣錄多授左威衛郎將專知兵馬俄吐蕃大出欲取當新城晨壓官軍陣衆不敵舉軍皆恐忠嗣單馬進左右馳突獨殺數百人賊衆懼相蹂軍虜翼掩之幽大敗拜左金吾衛將軍領河東節度副使大同軍使尋爲節度使二十九年節度朔方兼靈州都督天寶元年北討奚怒皆戰桑乾河三遇三克耀武漠北高會而還時突厥新有難忠嗣進軍積口經略之烏蘇米施可汗請降忠嗣以其方疆特文降耳乃營木刺蘭山謀虛實因上平戎十八策縱反間於拔悉密與葛邏祿回紇三部攻多羅斯城涉昆水斬米施可汗築大同靜邊二城徙清塞橫野軍實之併受降振武爲一城自是幽不敢盜塞徙河東節度使進封縣公忠嗣本負勇敢及爲將乃能持重安邊不生事嘗曰平世爲將撫衆而已吾不欲竭中國力以幸功名

故訓練士馬隨闕繕補有漆弓百五十斤每艘之示無所用軍中士氣盛日夜思戰忠嗣縱詭聞伺隙時出奇兵襲敵所向無不克故士亦樂爲用軍每出名屬長付以兵使授士卒雖弓矢亦誌姓名其上軍還遺弦亡鏃皆按名第罪以是部下人自勸器甲充牣自朔方至雲中表數千里據要險築城堡斥地甚遠自張仁亶後四十餘年忠嗣繼其功俄爲河西隴右節度使權朔方河東節度佩四將印勁兵重地控制萬里近世未有也又授一子五品官後數出戰青海積石鹵輒奔破又討吐谷渾於墨離平其國乃固讓朔方河東二節度許之帝方事石堡城詔問攻取計忠嗣奏言吐蕃舉國守之若頓兵堅城下費士數萬然後可圖恐所得不酬所失請厲兵馬待豐取之帝意不快而李林甫尤忌其功日鉤撫過咎會重

驗罪應死哥舒翰方有寵白上請以官爵贖忠嗣罪帝意解貶漢陽太守久之徙漢東郡卒年四十五後翰引兵攻石堡拔之死亡略盡如忠嗣言故當世號爲名將初在朔方至互市輒高價馬直諸蕃爭來市故蕃馬浸少唐軍精及鎮河隴又請徙朔方河東九千騎以實軍迄天寶末益滋息寶應元年追贈兵部尚書

延光建言請下石堡詔忠嗣分兵應接忠嗣不得已爲出軍而士無賞格延光不悅河西兵馬使李光弼入說曰大夫愛惜士卒有拒延光心雖名受詔實奪其謀然大夫已付萬衆而不立重賞何以買士勇且大夫惜數萬段賜以啓讒口有不如捷歸罪大夫大夫先受禍矣忠嗣曰吾固審得一城不足制敵失之未害於國吾忍以數萬人命易一官哉明日見責不失一金吾羽林將軍歸宿衛不者黔中上佐耳光弼謝曰大夫乃行古人事光弼又何言趨而出延光過期不克果訴忠嗣沮兵又安祿山城雄武扼飛狐塞謀亂請忠嗣助役因欲留其兵忠嗣先期至不見祿山而還數上言祿山且亂林甫益惡之陰使人誣告忠嗣嘗養宮中云吾欲奉太子帝怒詔入付三司訊

欽定古今圖書集成明倫彙編官常典

第四百九十三卷目錄

將帥部名臣列傳五十一

唐四

王君奐

王難得

王思禮

封常清

郭子儀

烏承玼

李嗣業

魯炆

高仙芝

論弓仁

李光弼

論惟貞

官常典第四百九十三卷

將帥部名臣列傳五十一

唐四

王君奐

按唐書本傳王君奐字威明瓜州常樂人初事郭知運爲別奏累功至右衛副率知運卒代爲河西隴右節度使右羽林軍將軍判涼州都督事開元十四年吐蕃會悉諾邏寇大斗拔谷君奐聞其怠率秦州都督張景順乘冰度青海襲破之以功遷大將軍封晉昌



縣伯拜其父壽爲少府監聽不事君奐凱旋元宗宴君奐及妻夏於廣達樓賜金帛夏亦自以戰功封武威郡夫人俄而吐蕃陷瓜州執刺史田元獻及壽殺居人取資糧進攻玉門軍使人嘲君奐曰將軍常自以忠勇今不一進戰奈何君奐登陴西向哭兵不敢出初涼州有回紇契苾思結渾四部世爲酋長君奐徵時數往來爲所輕及節度河西回紇等頗執執取爲下君奐怒數督過之既怨望潛遣人至東都言狀君奐聞驛奏四部有叛謀帝使人即訊回紇不能自直於是瀚海大都督回紇承宗流渾州渾大得流吉州賀蘭都督契苾承明流藤州盧山都督思結歸國流瓊州而承宗黨瀚海州司馬護輪等益不平思有以復怨會吐蕃使間道走突厥君奐率騎到肅州掩取得之還至甘州護輪阻兵發奪君奐節殺左右親吏剖其心曰是始謀者君奐引帳下力戰兵盡乃死輪欲以尸奔吐蕃追兵至乃棄尸去帝痛惜之贈特進荊州大都督以喪還京師官護其葬詔張說刻文墓碑帝自書以寵之

李嗣業

按唐書本傳嗣業字嗣業京兆高陵人長七尺臂力絕衆開元中從安西都護來羅討十姓蘇祿先登捕鹵累功署昭武校尉後應募安西軍中初用陌刀而嗣業尤善每戰必爲先鋒所擣摧北馬靈雲爲節度出戰必與俱高仙芝討勃律署嗣業及中郎將田珍爲左右陌刀將時吐蕃兵十萬屯娑勒城據山瀕水聯木作郭以扼王師仙芝潛軍夜濟信圖河令曰及午破賊不者皆死嗣業提步士升山頽石四面以擊

賊又樹大旗先走險諸將從之鹵不虞軍至因大潰投崖谷死者十八鼓而驅至勃律禽其主平之授右威衛將軍從平石國及突騎施以跳盪先鋒加特進因構諸胡共怨之以告大食連兵攻四鎮仙芝率兵二萬深入爲大食所敗殘卒數千事急嗣業謀曰將軍深履賊境後援旣絕而大食乘勝諸胡銳於鬪我與將軍俱前死尚誰報朝廷者不如守白石嶺以爲後計仙芝曰吾方收拾餘燼明日復戰嗣業曰事去矣不可坐須俎醢即馳守白石路既隘步騎魚貫而前會拔汗那還兵輜餉塞道不可騁嗣業懼追及手挺塵鞭人馬斃仆者數十百鹵駭走仙芝乃得還表嗣業功進右金吾大將軍雷爲疏勸鎮使城一隅陲屢築輒壞嗣業視之有白龍見因其處絕祠以祭城遂不壞漢耿恭故井久涸禱已泉復出初討勃律也通道葱嶺有大石塞隘以足蹶之抵穹壑識者以爲至誠所感云天寶十二載加驃騎大將軍入朝賜酒元宗前醉起舞帝寵之賜綵百金皿五十物錢十萬曰爲解醒具安祿山反肅宗追之詔至即引道與諸將割臂盟曰所過郡縣秋毫不可犯至鳳翔上謁帝喜曰今日卿至賢於數萬衆事之濟否固在卿輩乃詔與郭子儀僕固懷恩倚角常爲先鋒以巨格營關賊值類崩潰進四鎮伊西北庭行軍兵馬使廣平王收長安嗣業統前軍陣於香積祠北賊酋李歸仁擁精騎薄戰王師注矢逐之走未及營賊大出掩追騎還踐王師於是亂不能陣嗣業謂子儀曰今日不蹈萬死取一生則軍無類矣即袒持長刀大呼出陣前

殺數十人陣復整步卒二千以陌刀長柯斧堵進所向無前歸仁匿兵營左覘軍勢王分同紀銳兵擊其伏嗣業出賊背合攻之自日中至是斬首六萬級填潤壑死幾半賊東走遂平長安進收東都嗣業戰多乃與張錡魯兗來瑒嗣吳王祗李奩略定諸州兼衛尉卿封號國公實封戶二百兼懷州刺史北庭行營節度使與子儀等圍相州師老諸將無功獨嗣業被堅數奮為諸軍冠中流矢臥帳中方愈忽聞金鼓聲知與賊戰大呼創潰血流數升卒諡曰忠勇贈武威郡王給靈輿護送在所葬日使中人臨弔中朝臣祖泣塋給掃除十戶嗣業忠毅憂國不計居產有宛馬十匹前後賞賜皆上於官以助軍云子佐國襲爵

王難得

按唐書本傳難得沂州臨沂人父思敬少隸軍試太子賓客難得健於武工騎射天寶初為河源軍使吐蕃贊普十郎支都者恃越敏乘名馬寶劍鞍略陣挑戰甚閑暇無敢校者難得怒挾子駿馬馳支都不暇關直斬其首元宗壯其果召見令殿前乘馬挾矛作刺賊狀大悅賜錦袍金帶累授金吾將軍從哥舒翰擊吐蕃至積石鹵吐谷渾王子悉弄參及悉頻藏而還復收五橋拔樹惇城進白水軍使收九曲加特進肅宗在靈武軍賞之難得上家賞助軍試衛尉卿俄領興平軍及鳳翔兵馬使收京師方戰麾下士失馬難得馳救矢著眉披膚障目乃拔箭斷膚殊死前鬪血鏖而不已帝嘉之從郭子儀攻相州累封琅邪郡公為英武軍使寶應二年卒贈潞州大都督

魯兗

按唐書本傳兗州蕭人長七尺餘略通書史以蔭補左羽林長上隴右節度使哥舒翰引為別奏顏真卿嘗使隴右謂翰曰君與郎將總節制亦嘗得人乎吳時立階下翰指曰是當為節度使從破石堡城收河曲遷左武衛將軍後復以破吐蕃跳盪功除右領軍大將軍安祿山反拜上洛太守將行於帝前畫攻守勢還南陽太守兼守捉防禦使封金鄉公尋為山南節度使以嶺南黔中山南東道子弟五萬屯渚水南賊將武令珣畢思琛等擊之衆戰賊不可賊右趨乘風縱火營氣奔營士不可止負羣走賊失如雨

王思禮

使亦會二京平賊走河北時襄漢數百里鄉聚蕩然舉無樵煙初賊欲剽亂江湖賴吳適扼其衝故南夏以完策勳封岐國公實封二百戶乾元元年又加淮西節度鄧州刺史與九節度圍安慶緒於相州兗領淮西襄陽兩鎮步卒萬人騎三百明年與史思明戰安陽王師不利兗中流矢輒奔諸節度潰去所過剽奪而兗軍尤甚有詔來瑒節度淮西從吳鄭陳毫節度使至新鄭聞郭子儀整軍屯穀水李光弼還太原兗羞俯仰藥死年五十七

履光黔中節度使趙國珍襄陽節度使徐浩未至其子弟半在軍挾金為資糧至是與械偕棄與山等賊資以富吳擊散兵保南陽潼關失守賊使哥舒翰招下不從使武令珣攻之令珣死田承嗣繼往潁川來瑒襄陽魏仲犀合兵援兗仲犀弟孟嗣兵至明府橋望賊走兗城中食盡米斗五十千一鼠四百餓者相枕藉朝廷遣使者曹日昇宣慰加兗特進太僕卿不得入日昇請單騎致命仲犀不可會顏真卿自河北至謂曰使者不顧死致天子命設為賊獲是亡一使者脫能入城則萬心固矣中官馮廷瑒亦曰將軍必入我請以兩騎助仲犀益騎凡十輩賊望見知皆銳兵不敢擊遂入致命人心益固日昇復以騎趨襄陽領兵千由音聲道運糧餉兗故兗得與賊相持踰三月兗被圍凡一年晝夜戰人至相食卒無救至德二載五月乃率衆突圍走襄陽承嗣尾擊兗殊死戰二日斬獲甚衆賊引去俄拜御史大夫襄鄧十州節度

按唐書本傳思禮高麗人居營州父為朔方軍將思禮習戰鬪從王忠嗣至河西與哥舒翰同籍麾下翰為隴右節度使思禮與中郎將周似事翰以功授右衛將軍關西兵馬使從討九曲後期當斬臨刑翰釋之思禮徐曰死固分也何復貸為諸將壯之天寶十三載吐谷渾蘇毗王款附詔翰至磨環川應接思禮堅馬蹇甚翰謂監軍李大宜曰思禮跋足尚欲何之俄加金城郡太守安祿山反翰為元帥奏思禮赴軍元宗曰河隴精銳悉在潼關吐蕃有覺惟倚思禮耳翰固請乃兼太常卿充元帥府馬軍都將翰委以軍事密勸翰表誅楊國忠翰不應復請以三十騎劫至潼關殺之翰曰此乃吾反何與祿山事潼關失守思禮與呂崇賁李承光同走行在肅宗責不堅守引至肅下將斬之宰相房琯諫以為可收後效遂獨斬承光赦思禮等尋副房琯戰便橋不利更為關內行營節度河西隴右伊西行營兵馬使守武功賊安守忠來戰思禮退保扶風賊分兵略大和關去鳳翔五

十里李光進戰未利行在戒嚴從官潛出其孥帝使左右巡御史虞候識其姓名衆稍稍止命郭子儀以朔方兵擊之會崔光遠行軍司馬王伯倫判官李椿以兵二千屯扶風聞賊已西欲乘虛襲京師徑至高陵賊引軍還擊椿等椿已至中渭橋殺守者千人進攻苑門伯倫戰死椿被執先是賊餘衆雷武功既傳官軍入京師乃燒營遁自是賊不敢西長安平思禮先入清宮收東京戰數有功還兵部尚書封霍國公食實戶五百尋兼路沁等州節度乾元元年總關中潞州行營兵三萬騎八千與子儀圍賊相州軍潰惟李光弼思禮完軍還尋破史思明別將萬餘衆於直千嶺光弼徙河陽代爲河東節度副大使上元元年加司空自武德以來三公不居宰輔惟思禮而已二年薨贈太尉諡曰武烈思禮善守計短攻戰然持法嚴整士不敢犯在太原器甲完精儲粟至百萬斛云

高仙芝

按唐書本傳仙芝高麗人父舍鷄初以將軍隸河西軍爲四鎮校將仙芝年二十餘從至安西以父功補遊擊將軍數年父子並班仙芝美姿質善騎射父猶以其儒緩憂之初事節度使田仁琬蓋嘉運等不甚知名後事夫蒙靈督乃善遇之開元末表爲安西副都護四鎮都知兵馬使小勃律其王爲吐蕃所誘妻以女故西北二十餘國皆屬吐蕃自仁琬以來三討之皆無功天寶六載詔仙芝以步騎一萬出討是時步兵皆有私馬自隨仙芝乃自安西過撥換城入握瑟德經疏勒登慈嶺涉播密川遂頓特勒滿川行凡百日特勒滿川即五識匿國也仙芝乃分軍爲三

使疏勒趙崇玘自北谷道撥換買崇玘自赤佛道仙芝與監軍邊令誠自護密俱入約會連雲堡堡有兵千餘城南因山爲柵兵九千守之城下據婆勒川會川漲不得渡仙芝殺牲祭川命士人齋三日備集水涯士不甚信既涉旗不需糧不濡兵已成列仙芝喜告令誠曰嚮吾方涉賊擊我我無類矣今既濟而陣天以賊賜我也遂登山挑戰日未中破之拔其城斬五千級生擒千人馬千餘匹衣資器甲數萬計仙芝欲遂深入令誠懼不肯行仙芝留羸弱三千使守遂引師行三日過坦駒嶺峻絕下四十里仙芝恐士憚險不敢進乃潛遣二十騎衣阿弩越胡服來迎先語部校曰阿弩越胡來迎我無慮矣既至士不肯下曰公驅我何去會二十人至曰阿弩越胡來迎已斷娑夷橋矣仙芝即陽喜令士盡下娑夷河弱水也既行三日越胡來迎明日至阿弩越城遣將軍席元慶以精騎一千先往謂小勃律王曰不聞若城吾假道趨大勃律耳城中大酋領皆吐蕃腹心仙芝密令元慶曰若酋領逃者第出詔書呼之賜以繒綵至皆縛以待我元慶如言仙芝至悉斬之王及妻逃山穴不可得仙芝招喻乃出降因平其國急遣元慶斷娑夷橋其暮吐蕃至不克度橋長度一箭所及者功一歲乃成八月仙芝以小勃律王及妻自赤佛道還連雲堡與令誠俱班師於是拂林大食諸胡七十二國皆震懾降附仙芝遣判官王庭芬奏捷京師軍至河西靈督怒不迎勞既見罵曰高麗奴子聞使爾何從得之仙芝懼且謝曰中丞力也又曰焉者鎮守使安西副都護都知兵馬使皆何從得之答曰亦中丞力也

靈督曰審若此捷書不待我而敢即奏何邪奴當斬顧新立功故貸爾仙芝不知所爲令誠密言狀於朝且曰仙芝立功而以愛死後孰爲朝廷用者帝乃擢仙芝鴻臚卿假御史中丞代靈督爲四鎮節度使而詔靈督還靈督懼仙芝朝夕見輒趨走靈督忿慙副都護程千里衙將畢思琛行官王滔康懷陳奉忠等皆嘗謂仙芝於靈督者既視事呼千里罵曰公面雖男兒而心似婦女何邪謂琛曰爾奪吾城東千石種田憶之乎對曰公見賜者仙芝曰爾時吾畏汝威豈憐汝而賜邪又召滔欲梓辱良久皆釋曰吾不恨矣由是舉軍安之俄加左金吾衛大將軍與一子五品官九載討石國其王車鼻施約降仙芝爲俘獻闕下斬之由是西域不服其王子走大食乞兵攻仙芝於怛邏斯城以直其冤仙芝爲人貪破石獲瑟瑟十餘斛黃金五六橐駝良馬寶玉甚衆家貲累鉅萬然亦不甚愛惜人有求輒與不問幾何尋除武威太守代安思順爲河西節度使羣胡固留思順更拜右羽林軍大將軍封密雲郡公祿山反榮王爲元帥仙芝副之領飛騎驍騎及朔方等兵出禁財募關輔士五萬繼封常清東討帝御勤政樓引榮王受命宴仙芝以下帝又幸望春亭勞遣詔監門將軍邊令誠監軍次陝郡而常清敗還仙芝急乃開太原倉悉以所有賜士卒焚其餘引兵趨潼關會賊至甲仗資糧委於道彌數百里既至關關兵縛守具士氣稍稍復振賊攻關不得入乃引還初令誠數私於仙芝仙芝不應因言其逗撓狀以激帝且云常清以賊搖衆而仙芝棄陝地數百里股盜襲賜帝大怒使令誠即軍中

斬之令誠已斬常清陳尸於蓬除仙芝自外至令誠以陌刀百人自從曰大夫亦有命仙芝遽下曰我退罪也死不敢辭然以我爲盜顏資種誣也謂令誠曰上天下地三軍皆在君豈不知又顧麾下曰我募若輩本欲破賊取重賞而賊勢方銳故遷延至此亦以固關也我有罪若輩可言不爾當呼枉軍中咸呼曰枉其聲殷地仙芝視常清尸曰公我所引拔又代吾爲節度今與公同死豈命歟遂就死

封常清

按唐書本傳常清蒲州猗氏人外祖教之讀書多所該究然孤貧年過三十未有名夫蒙靈嘗爲四鎮節度使以高仙芝爲都知兵馬使嘗出軍奏僚從三十餘人衣襦鮮明常清慨然投牒請僚常清素瘠又脚跛仙芝陋其貌不納明日復至仙芝謝曰儂已足何庸復來常清怒曰我慕公義願事鞭轡故無媒自前公何見拒深乎以貌取士恐失之子羽公其念之仙芝猶未納乃日候門下仙芝不得已竄名僚中會遠奚諸部叛自黑山西趣碎葉有詔邀擊靈嘗使仙芝以二千騎追躡達奚行遠人馬疲禽敵略盡常清於幕下潛作捷布具記井泉次舍克賊形勢謀略條最明審仙芝取讀之皆意所欲出乃大駭即用之軍還靈嘗迎勞仙芝已去奴林帶刀而判官劉眺獨孤峻爭問向捷布誰作者公幕下安得此人答曰吾僚封常清也眺等驚進揖常清坐與語異之遂知名以功授疊州戍主仍爲判官仙芝破小勃律代靈嘗爲安西節度使常清以從戰有勞擢慶王府錄事參軍事爲節度判官仙芝征討常知從務常清才而果曾無

疑事仙芝委家事於郎將鄭德詮其乳母子也咸動軍中常清常自外還諸將前謁德詮見常清始貴易之走馬突常清騎士去常清命左右引德詮至廷中門輒閉因離席曰吾起細微中丞公過聽以主留事郎將安得無禮因叱曰須暫假郎將死以肅吾軍因杖死以面仆地曳出之仙芝妻及乳母哭門外救請不能得遽以狀白仙芝仙芝驚及見常清憚其公不敢讓常清亦不謝會大將有罪又殺二人軍中莫不股慄仙芝節度河西復請爲判官久之擢安西副大都護安西四鎮節度副大使知節度事未幾改北庭都護持節伊西節度使常清性勤儉耐勞苦出軍乘騾私廐裁二馬實罰分明天寶末入朝而安祿山反帝引見問何策以討賊常清見帝憂因大言曰天下太平久人不知戰然事有逆順勢有奇變臣請馳至東京悉府庫募驍勇挑馬箠度河計日取逆胡首以獻闕下天子壯之明日以常清爲范陽節度副大使乘驛赴東京常清募兵得六萬人然皆市井庸保乃部分旗幟斷河陽橋以守賊移書平原令太守顏真卿以兵七千防河真卿馳使司兵參軍事李平入奏常清取平表發視即倚帳作書遺真卿勸堅守且傳購祿山數數十函與之真卿得以分曉諸郡祿山度河陷滎陽入兗子谷先驅至蔡園常清使驍騎拒之殺拓羯數十百人賊大軍至常清不能禦退入上東門戰不利賊鼓而進劫官吏再戰於都亭驛又不勝引兵守宣仁門復敗乃自提象門出伐大木塞道以殿至穀水西奔陝語高仙芝曰賊銳甚難與爭鋒潼關無兵一夫奔突則京師危不如急守潼關仙芝從

之敗書聞帝削常清官使白衣隸仙芝軍効力仙芝使衣黑衣監左右部軍及邊令誠以詔書至示之常清曰吾所以不死者恐汙國家節度幾賊手今死乃甘心始常清敗徑入關欲見上陳討賊事至渭南有詔赴潼關常清憂懼爲表以謝且言自東京陷三遣使表論成敗不得對又言臣死後望陛下無輕此賊則社稷安至是臨刑以表授令誠而死人多哀之

論弓仁

按唐書本傳弓仁本吐蕃族也父欽陵世相其國聖曆二年弓仁以所統吐渾七千帳自歸授左玉鈐衛將軍封酒泉郡公神龍三年爲朔方軍前鋒游奔使時張仁恩築三受降城弓仁以兵出諾真水草心山爲邏衛開元初突厥九姓亂弓仁引軍渡漠踰白樺林收火拔部喻多真種落降之跌跌思太叛戰赤柳澗弓仁騎才五百自新堡進時賊四環之衆不敵弓仁椎牛誓士自若再宿潰圍出人服其壯凡閱大小戰數百未嘗負賜寶玉甲第良田等列莫與比累遷左驍衛大將軍朔方副大使會病元宗遣上醫馳視卒年六十六贈撥川郡王諡曰忠

郭子儀

按唐書本傳子儀字子儀華州鄭人長七尺二寸以武舉異等補左衛長史累遷單于副都護振遠軍使天寶八載木刺山始築橫塞軍及安北都護府詔即軍爲使俄苦地偏不可耕徙築末清號天德軍又以使兼九原太守十四載安祿山反詔子儀爲衛尉卿靈武郡太守充朔方節度使率本軍東討子儀收靜邊軍斬賊將周萬頃繫高秀巖河曲敗之遂收雲中

馬邑開東陞加御史大夫賊陷常山河北郡縣皆沒
會李光弼攻賊常山拔之于儀引軍下井陘與光弼
合破賊史思明衆數萬平藁城南攻趙郡禽賊四千
縱之斬偽守郭獻璆還常山思明以衆數萬尾軍及
行唐子儀選騎五百更出挑之三日賊引去乘之又
破於沙河遂趨常陽以守祿山益出精兵佐思明子
儀曰彼特加兵必易我我心不固戰則克矣與戰
未決戮一部將以徇士殊死鬪遂破之斬首二千級
俘五百人獲馬如之於是晝揚兵夜擣壘賊不得息
氣益老乃與光弼僕固懷恩釋之陳回光等擊賊
嘉山斬首四萬級獲人馬萬計思明跳奔博陵於是
河北諸郡往往斬賊守迎王師方北圖范陽會哥舒
翰敗天子入蜀太子即位靈武詔班師子儀與光弼
率步騎五萬赴行在時朝廷草昧衆寡軍容闕然
及是國威大振拜子儀兵部尚書同中書門下平章
事仍總節度肅宗大閱六軍鼓而南至彭原宰相房
瑄自請討賊次陳濤師敗衆略盡帝唯倚朔方軍
爲根本賊將阿史那從禮以同羅僕骨騎五千誘河
曲九府六胡州部落數萬迫行在子儀以回紇首領
葛邏支擊之執獲數萬牛羊不可勝計河曲平至德
二載攻賊崔乾祐於潼關乾祐敗退保蒲津會朱梁
尉趙復河東司戶參軍韓旻司士徐景及宗室子鋒
在城中謀爲內應子儀攻蒲復等斬陣者披圍內軍
乾祐走安邑安邑僞納之兵半入縣門發乾祐得脫
身走賊安守忠壁未豐倉子儀遣子旰與戰多殺至
萬級旰死於陳進收倉於是關陝始通詔還鳳翔進
司空充關內河東副元帥率師趨長安次蒲水上賊

守忠等軍清渠左大戰王師不利委仗奔子儀收潰
卒保武功待舉於朝乃授尚書左僕射俄從元帥廣
平王率蕃漢兵十五萬收長安李嗣業爲前軍元帥
爲中軍子儀副之王思禮爲後軍陳香積寺之北距
澧水臨大川彌亙一舍賊李歸仁領勁騎薄戰官軍
蹙嗣業以長刀突出斬賊數千騎乃定回紇以奇兵
繚賊背夾攻之斬首六萬級生擒二萬賊帥張通儒
夜亡陝郡翌日王入京師老幼夾道呼曰不圖今日
復見官軍王休士三日遂東安慶緒聞王師至遣嚴
莊悉衆十萬屯陝助通儒旌旗鉦鼓徑百餘里師至
新店賊已陣出輕騎子儀遣二隊逐之又至倍以往
皆不及賊營輒反最後賊以二百騎掩軍未戰走子
儀悉軍追橫貫其營賊張兩翼包之官軍却嗣業率
回紇從後擊塵且全飛矢射賊賊驚曰回紇至矣遂
大敗僵尸相屬於道嚴莊等走洛陽挾慶緒度河保
相州遂收東都於是河東河西河南州縣悉平以功
加司徒封代國公食邑千戶入朝帝遣具軍容迎滿
上勞之曰國家再造卿力也子儀頓首陳謝有詔還
東都經略北討乾元元年破賊河上執安守忠以獻
遂朝京師詔百官迎於長樂驛帝御望春樓待之進
中書令帝即詔大舉九節度師討慶緒以子儀光弼
皆元功難相臨攝第用魚朝恩爲觀軍容宣慰使而
不立帥子儀自杏園濟河圍衛州慶緒分其衆爲三
軍將戰子儀選善射三千士伏壁內誠曰須吾却賊
必乘壘若等謀而射既戰僞遁賊薄營伏發注射如
雨賊震駭王師整而奮斬首四萬級獲鎧冑數十萬
執安慶和收衛州又戰悉圍破之連營進圍相州

引漳水灌城漫二時不能破城中糧盡人相食慶緒
求救於史思明思明自魏來李光弼王思禮許叔冀
魯兗前軍遇之戰鄭南夷負相當兗中流失子儀督
後軍未及戰會大風拔木遂晦跬步不能相物色於
是王師南潰賊亦走輜械滿野諸節度引還子儀以
朔方軍保河陽斷航橋時王師衆而無統進退相顧
望責功不專是以及於敗有詔畱守東都俄改東畿
山南東道河南諸道行營元帥魚朝恩素疾其功因
是媒譖之故帝召子儀還更以趙王爲天下兵馬元
帥李光弼副之代子儀領朔方兵子儀雖失軍無少
望乃心朝廷思明再陷河洛西戎逼擾京輔天子旰
食乃授鄆寧郡兩節度使仍畱京師議者謂子儀
有社稷功而孽寇首鼠乃置散地非所宜帝亦悟上
元初詔爲諸道兵馬都統以管崇嗣副之率英武威
遠兵及河西河東鎮兵繇鄆寧朔方大同橫野軍以
趨范陽詔下爲朝恩沮解明年光弼敗邛山失河陽
又明年河中亂殺李國員太原戢鄆景山朝廷憂二
軍與賊合而少年新將望輕不可用遂以子儀爲朔
方河中北庭潞儀澤沁等州節度行營兼興平定國
副元帥進封汾陽郡王屯絳州時帝已不豫羣臣莫
有見者子儀請曰老臣受命將死於外不見陛下目
不瞑帝引至臥內謂曰河東事一以委卿子儀嗚咽
流涕賜御馬銀器雜綵別賜絹布九萬子儀至屯誅
首惡王元振等數十人太原辛雲京亦治害景山者
諸鎮皆惕息代宗立程元振自謂於帝有功忌宿將
難制離構百計因罷子儀副元帥加實戶七百爲肅
宗山陵使子儀懼譏且成盡哀肅宗所賜詔勒千餘